

**Bosna i Hercegovina**  
**Federacija Bosne i Hercegovine**  
**KANTON SARAJEVO**  
**MINISTARSTVO UNUTRAŠNJIH POSLOVA**  
**UPRAVA POLICIJE**  
**SARAJEVO**

Broj: 02 -11-4-3067-7/22

Datum: 20.05.2022. godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 69. stav (1) tačka a), a u vezi sa članom 70. stav (1), (3) i (6) Zakona o javnim nabavkama („Službeni glasnik Bosne i Hercegovine”, broj 39/14), i preporuke Komisije za sukcesivnu nabavku za potrebe Uprave policije, imenovane Rješenjem broj: 02/5-1-30-1-2390 od 04.03.2022. godine, u postupku javne nabavke usluga osiguranja motornih vozila (obavezno i kasko), radarskih sistema i kućišta za radarski sistem sa pratećom infrastrukturom, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

**ODLUKU**  
**O IZBORU NAJPOVOLJNIJEG PONUĐAČA I DODJELI UGOVORA**

**I**

Prihvata se preporuka Komisije za sukcesivnu nabavku i ugovor za javnu nabavku osiguranja motornih vozila (obavezno i kasko), radarskih sistema i kućišta za radarski sistem sa pratećom infrastrukturom za potrebe Uprave policije Ministarstva unutrašnjih poslova Kantona Sarajevo dodjeljuje se ponuđačima:

- Euroherc osiguranje d.d. Sarajevo, i to za:
  - ✓ LOT 1- osiguranje motornih vozila (obavezno i kasko) za ponuđenu cijenu od 149.530,32 KM bez PDV-a.
- Sarajevo osiguranje d.d. Sarajevo, i to za:
  - ✓ LOT 2 – osiguranje radarskih sistema i kućišta za radarski sistem sa pratećom infrastrukturom za ponuđenu cijenu od 4.950,00 KM bez PDV-a.

**II**

Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru ponuđača. Prijedlog ugovora o nabavci dostavit će se na potpis izabranim ponuđačima Euroherc osiguranje d.d. Sarajevo za LOT 1 i Sarajevo osiguranje d.d. Sarajevo za LOT 2 po isteku zakonom predviđenog roka od dana od kada su svi ponuđači obaviješteni o izboru najpovoljnije ponude.

**IV**

Izabrani ponuđači za LOT 1 – Euroherc d.d. Sarajevo i za LOT 2 - Sarajevo osiguranje d.d. Sarajevoje u svojim ponudama su dostavili tražene dokaze navedene u tačkama 11. i 12.2. tenderske dokumentacije, a koje se odnose na član 45. stav 2. tačka od a) do d) i na član 47. stav 1. tačka a), čime se oslobađaju obaveze naknadnog dostavljanja istih.

**V**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

**Obrazloženje**

Na osnovu Odluke broj: 02-11-4-3067/22 od 05.04.2022. godine i Obavještenja o nabavci broj: 16475-1-2-17-3-49/22 od 08.04.2022. godine, proveden je otvoreni postupak javne nabavke

osiguranja motornih vozila (obavezno i kasko), radarskih sistema i kućišta za radarski sistem sa pratećom infrastrukturom za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-11-4-3067/22 od 28.04.2022. godine, za aktivno učešće u postupku dostavljene su ponude ponuđača za:

- LOT 1 – osiguranje motornih vozila (obavezno i kasko) - Sarajevo osiguranje d.d. Sarajevo, Adriatic osiguranje d.d. Sarajevo, Central osiguranje d.d. Sarajevo i Euroherc osiguranje d.d. Sarajevo;
- LOT 2 – osiguranje radarskih sistema i kućišta za radarski sistem sa pratećom infrastrukturom – Sarajevo osiguranje d.d. Sarajevo.

Komisija za sukcesivnu nabavku za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda, broj: 02-11-4-3067-6/22 od 19.05.2022. godine, kojim je utvrdila sljedeće:

- da u ponudi ponuđača Central osiguranje d.d. Sarajevo (LOT 1) Obrazac za ponudu (Aneks I) i Obrazac za cijenu ponude (Aneks II), nisu ispunjeni u skladu sa uslovima iz tenderske dokumentacije. Naime, tačkom 18. tenderske dokumentacije kao kriterij za dodjelu ugovora u skladu sa članom 64. Zakona o javnim nabavka BiH („Službeni glasnik BiH“, broj: 39/14) utvrđen je ekonomski najpovoljnija ponuda. Kao potkriteriji za ocjenu ponuda postavljeni su ukupna cijena i rok obrade zahtjeva. Na strani 12. tenderske dokumentacije stoji: „Napomena: za ugovorni organ minimalan rok obrade zahtjeva je 5 (pet) dana, a maksimalan rok obrade zahtjeva je 30 (trideset) dana od dana dostavljanja prijave osiguranog slučaja. Rok obrade zahtjeva mora biti iskazan u danima.“ U Obrascu za ponudu (Aneks I) u tački 4. Izjave stoji: „(minimalan rok obrade zahtjeva je 5 (dana), a maksimalan rok obrade zahtjeva je 30 dana od dana dostavljanja prijave osiguranog slučaja) – 5 bodova“. Takođe, u Obrascu za cijenu ponude (Aneks II) pod 2. rok obrade zahtjeva (iskazan u danima) (minimalni rok obrade zahtjeva je 5 (dana), a maksimalan rok obrade zahtjeva je 30 dana od dana dostavljanja dokumentovanog zahtjeva za plaćanje osiguranog slučaja). Ponuđač Central osiguranje d.d. Sarajevo je u obrascu kao drugi kriterij unio 1 dan, što nije u skladu sa propisanim u tenderskoj dokumentaciji i njenim aneksima.

Tačkom 9. Tenderske dokumentacije propisuje se da su ponuđači obavezni dostaviti izjavu o roku obrade zahtjeva (formu izjave propisuje ponuđač. Ponuđač Central osiguranje d.d. Sarajevo je na strani 9. Svoje ponude dostavio izjavu u kojoj takođe navodi da je rok obrade zahtjeva 1 (jedan) dan. U skladu sa naprijed navedenim, ponuda ponuđača Central osiguranje d.d. Sarajevo nije prihvatljiva, te se u skladu sa članom 68. stav (4) tačka i) Zakona o javnim nabavkama BiH odbacuje.

- ponude ponuđača Sarajevo osiguranje d.d. Sarajevo, Adriatic osiguranje d.d. Sarajevo i Euroherc osiguranje d.d. Sarajevo sadrže sve elemente tražene tenderskom dokumentacijom, odnosno da ispunjavaju sve formalno-pravne, ekonomske i tehničke uslove i shodno utvrđenom kriteriju “ekonomski najpovoljnija ponuda” ispunjavaju sve zahtjeve Ugovornog organa.

U pristiglim ponudama Komisija je prilikom pregleda i ocjene ponuda utvrdila i postojanje računskih grešaka kako slijedi:

- Ukupni iznos u ponudi ponuđača Euroherc osiguranje d.d. Sarajevo za LOT 1, nakon ispravljanja računске greške, treba da iznosi 149.530,32 KM umjesto pogrešno upisanih 149.469,96 (razlika 60,36 KM);

- Ukupni iznos u ponudi ponuđača Adriatic osiguranje d.d. Sarajevo za LOT 1, nakon ispravljanja računске greške, treba da iznosi 156.376,33 KM umjesto pogrešno upisanih 156.376,09 (razlika 00,24 KM).

Na upućene zahtjeve ponuđači su u ostavljenom im roku dali svoju saglasnost za ispravku računskih grešaka.

Rang prihvatljivih ponuda prema kriteriju za dodjelu ugovora „ekonomski najpovoljnija ponuda“ na osnovu konačne rang liste ponuđača čije ponude su prihvatljive:

<b>LOT 1</b>			
<b>Naziv ponuđača</b>	<b>Ukupna ponuđena cijena (P) – 95 bodova</b>	<b>Rok obrade zahtjeva (R) – 5 bodova</b>	<b>Ukupan broj bodova (T) - 100</b>
Euroherc osiguranje d.d. Sarajevo	149.530,32 – 95 bodova	5 dana – 5 bodova	100 bodova
Adriatic osiguranje d.d. Sarajevo	156.376,33 – 90,84 bodova	5 dana – 5 bodova	95,84 bodova
Sarajevo osiguranje d.d. Sarajevo	184.258,10 – 77,10 bodova	5 dana – 5 bodova	82,10 bodova

U postupku za LOT 2 je podnesena samo jedna prihvatljiva ponuda:

<b>Naziv ponuđača</b>	<b>Ukupna ponuđena cijena (P) – 95 bodova</b>	<b>Rok obrade zahtjeva (R) – 5 bodova</b>	<b>Ukupan broj bodova (T) - 100</b>
Sarajevo osiguranje d.d. Sarajevo	4.950,00 – 95 bodova	5 dana – 5 bodova	100 bodova

Shodno rezultatima pregleda i ocjene ponuda i rang listi prihvatljivih ponuda, Komisija je ocjenila prihvatljivom ponudu ponuđača za:

- Euroherc osiguranje d.d. Sarajevo, i to za:
  - ✓ LOT 1 – osiguranje motornih vozila (obavezno i kasko) sa ukupnom cijenom ponude u iznosu od 149.530,32 KM bez PDV-a;
- Sarajevo osiguranje d.d. Sarajevo, i to za:
  - ✓ LOT 2 – osiguranje radarskih sistema i kućišta za radarski sistem sa pratećom infrastrukturom sa ukupnom cijenom ponude u iznosu od 4.950,00 KM bez PDV-a.

U postupku donošenja ove odluke posebno su cijenjene činjenice da je pravilno i potpuno utvrđeno činjenično stanje i ocjena prispjelih ponuda u skladu sa kriterijima iz tenderske dokumentacije.

U postupku je utvrđeno da je Komisija u svemu pravilno postupila te da je preporuka data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, a u skladu sa članom 69. stav 1. tačka a) Zakona o javnim nabavkama („Službeni glasnik BiH“, broj: 39/14), Zapisnikom o pregledu i ocjeni ponuda riješeno je kao u dispozitivu.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj:39/14).

**POLICIJSKI KOMESAR**  
**Generalni inspektor policije**

**Nusret Selimović**

**Dostaviti:**

1. Komisiji za sukcesivne nabavke
2. Ponuđačima x4
3. Odjeljenju za odnose s javnošću, radi objave na web stranici ovog organa
4. a/a